

**BOSNA I HERCEGOVINA
FEDERACIJA BIH
ZENIČKO-DOBOJSKI KANTON
GRAD ZENICA**

Na osnovu člana 54. stav 2 Zakona o dopunski pravima branilaca i članova njihovih porodica ("Službene novine Zeničko – dobojskog kantona" 15/24) , člana 38. Zakona o udruženjima i fondacijama("Službene novine Federacije BiH" broj: 45/02) , člana 34. i 117. Statuta Grada Zenica ("Službene novine Grada Zenica" broj: 05/15) putem Službe za boračko – invalidsku zaštitu, Gradonačelnik objavljuje:

JAVNI POZIV

ORGANIZACIJAMA PROISTEKLIM IZ ODBRAMBENO - OSLOBODILAČKOG RATA 1992-1995. GODINE SA PODRUČJA GRADA ZENICA ZA PREDAJU PRIJEDLOGA PROJEKATA U SKLOPU RASPODJELE BUDŽETSKIH SREDSTAVA ZA 2025. GODINU

Grad Zenica poziva sve organizacije proistekle iz odbrambeno-oslobodilačkog rata 1992-1995. godina koja su registrovane za djelovanje na nivou Grada Zenica, da dostave prijedloge projekata koje su u skladu sa razvojnim ciljevima, strateškim dokumentima, akcionim planovima i drugim dokumentima Grada Zenica iz slijedećih prioritetnih oblasti:

1. KULTURA I TRADICIJA

- 1.1. Kreiranje inovativnih kulturnih sadržaja i programa koji okupljaju pripadnike boračke populacije
- 1.2. Afirmacija tradicije i kulturne baštine naroda i nacionalnih manjina BiH kroz programe koje organizuju i u kojima učestvuju boračke kategorije ;
- 1.3. Programi koji promovišu poštivanje demokratskih principa i standarda kulture, obrazovanja i promocija aktivnosti protiv govora mržnje koju organizuju i u kojoj učestvuju boračke kategorije

2. SPORT I ZDRAVLJE

- 2.1. Organizovanje i provođenje amaterskih sportskih manifestacija pripadnika boračke populacije i članova njihovih porodica za koje je iskazan prepoznatljiv interes građana i Grada Zenica, a koji ne spadaju u takmičarske aktivnosti,
- 2.2. Sportski programi i sadržaji za zadovoljavanje rekreativnih potreba članova udruženja na području Grada Zenica,
- 2.3. Edukaciju, sportski odgoj i obrazovanje boračke populacije i članova njihovih porodica koji nisu članovi sportskih klubova,
- 2.4. Aktivnosti koje promovišu zdrav način života, amaterizam i volonterizam, kao i programi za korisno ispunjavanje slobodnog vremena pripadnika boračke populacije.

3. HISTORIJA

- 3.1. Afirmacija i promovisanje historijskih vrijednosti, očuvanja i njegovanja tradicije, ugleda, sjećanja na tekovine borbe za Bosnu i Hercegovinu

4. SOCIJALNA ZAŠTITA

4.1. Projekti socijalizacije i brige o osobama koje zbog fizičkih ili drugih posebnih potreba nisu u stanju brinuti same o sebi.

4.2. Podrška novim projektnim idejama u svrhu socijalizacije, rehabilitacije boračke populacije na području grada Zenica.

4.3. Podrška ekonomskom osnaživanju porodica članova boračke populacije

5. PRAVO UČEŠĆA:

Učešće u ovom javnom pozivu je otvoreno, na jednakim osnovama za sve formalno registrovane organizacije i udruženja prostele iz odbrambeno - oslobodilačkog rata 1992-1995. godine na području grada Zenica u skladu sa važećim zakonskim propisima u Bosni i Hercegovini.

Projekat mora biti implementiran na području grada Zenica, najkasnije do 31.12.2025. godine.

Aplikant može aplicirati na ukupan iznos projekta ili dio nedostajućih sredstava, što je dužan navesti u aplikaciji.

Iznosi sredstava za odobrene projekte je minimalno 1.000 KM do maksimalno 7.000 KM.

Grad Zenica zadržava pravo da ne dodijeli sva raspoloživa finansijska sredstva.

Aplikant može aplicirati sa najviše dva projektna.

Neadekvatni projektni prijedlozi neće biti uzeti u razmatranje prilikom bodovanja i ocjenjivanja projektnih prijedloga, te isti neće biti finansirani, o čemu su pojašnjenja data u Smjernicama.

6. PREUZIMANJE PROJEKTNE DOKUMENTACIJE:

Projektna dokumentacija može se preuzeti, na zvaničnoj web stranici Grada, www.zenica.ba.

Pitanja u vezi sa javnim pozivom mogu se postaviti pismeno ili direktno putem telefona Službe, 032 447-814.

7. PREDAJA PROJEKTNE I DODATNE DOKUMENTACIJE:

Ispunjena aplikacija (sa kompletnom zahtjevanom dokumentacijom) mora se dostaviti **u jednom primjerku u štampanoj formi i jednoj elektronskoj kopiji (CD ili USB)** u zatvorenoj koverti preporučenom poštom ili lično tokom radnih dana (ponedjeljak – petak), u periodu od 08:00 do 16:00 sati, na sljedeću adresu:

Grad Zenica, Služba za boračko-invalidsku zaštitu

Trg BiH broj 6,

72000 Zenica

sa naznakom za "Javni poziv organizacijama proisteklim iz odbrambeno - oslobodilačkog rata 1992-1995. godine sa područja grada zenica za predaju prijedloga projekata u sklopu raspodjele budžetskih sredstava za 2025. godinu"

Rok za predaju aplikacija je 11.04.2025. godine.

Broj: 02-37-7219/25

Zenica, 24.03.2025. godine



GRADONAČELNIK
Fuad Kasumović